

Jednanski porjad gmejskeje rady Gmejny Worklecy



Na zakładze § 38 wotst. 2 gmejskeho porjada Swobodneho stata Sakskeje w aktualnje plaćiwej formje je gmejska rada gmejny Worklecy dnja 14.08.2024 slědowacy jednanski porjad wobzamknyła:

Prěni dźěl Powšitkowne postajenja

§ 1 Zestawa gmejskeje rady

Gmejska rada wobsteji z gmejnskich radźićelow/radźićelkow a wjesnjanosty jako předsyda.

§ 2 Frakcije

1. Gmejnsocy radźićeljo móža so do frakcijow zjednočić. Tute su dźěl gmejskeje rady. Frakcije su na wěsty čas zapołožene zjednočenja znajmjeńša dweju gmejskeju radźićelow, mjez kotrymiž zasadna politiska přezjednosć knježi. Jednotliwy gmejnski radźićel móže jenož jednej frakciji přisłušeć.
2. Wutworjenje, změna a rozpušćenje jedneje frakcije, jeje pomjenowanja, mjeno předsydy, naměstnika kaž tež mjena čłonow maja so wjesnjanosće pisomnje zdžělić. Zdžělenca ma so frakciske dojednanje we wjacorych eksemplarach přidać. Hdyž njejsu so čłonojo frakcije na zakładze samsneho wólbneho namjeta do gmejskeje rady wuzwolili a frakciske dojednanje k tomu ničo njewupraji, ma so wjesnjanosće přidatnje k zdžělenca zapodać stejnišćo wo zhromadnje předwidzanych komunalnopolitiskich zaměrach, kotrež maja wšitcy čłonojo frakcije podpisać.
3. Frakcije maja samsne prawa kažkež maja je jednotliwi gmejnsocy radźićeljo abo skupiny gmejnskich radźićelow po SächsGemO. Zapodadza-li so próstwy, z wuwzaćom dohlada do podložkow po § 28 wotst. 5 SächsGemO a próstwy k dnjowemu porjadaj po § 36 wotst. 6 SächsGemO ma sylnosć frakcije spjelnić wot SächsGemO postajeny quorum.

Druhi dźěl

§ 3 Prawniske stejišćo gmejnskich radźićelow/radźićelkow

- (1) Gmejnsocy radźićeljo wukonjeja swoje zastojsnstwo čestnohamtsce. Wjesnjanosta spřisaha gmejnskich radźićelow w přěnim posedženju zjawnje k swědomitemu spjelnjenju jich winowatosćow.
- (2) Gmejnsocy radźićeljo wukonjeja swoje zastojsnstwo po zakonju a swojim, powšitkownemu derjeměću winowatemu, přeswědčenju. Na winowatosće a nadawki, kotrež tutu swobodu wobmjazuja, njejsu wjazani.

§ 4 Prawo na informaciju a naprašowanje

- (1) Džesatk gmejnskich radźićelow móže we wšitkich naležnosćach gmejny žadać, zo wjesnjanosta gmejsku radu informuje a jím dohlad do podložkow dowoli. Prawo, sej žadać dohlad do podložkow přisteji tež jednej frakciji. We wuběrkach maja być stajerjo tajkeje próstwy z čłonom.

- (2) Kóždy gmejnski radźićel/kóžda gmejnska radźićelka móže so na wjesnjanostu písomnje abo w posedženju tež ertnje z próstwu k naležnosćam gmejny wobroćić. Wuradźowanje k naprašowanjam so njewotměje. Wotmołwa na prašenja ma so w přiměřenym času, kotryž je zasadnje na štyri tydženje postajeny, podać.
- (3) Písomne naprašowanja maja so najpozdžišo pjeć dnjow do přichodneho posedženja gmejnskeje rady wjesnjanosće zapodać. Wotmołwić ma so písomnje, hdyž sej to próstwustajer přeje.
- (4) Ertne prašenja móža so tež po dokónčenju dnjoweho porjada posedženja gmejnskeje rady na wjesnjanostu stajić. Prašenja njesmědža so na naležnosće wotmětego posedženja gmejnskeje rady počahować. Wone maja być krótke a krótku wotmołwu zmóžnić. Próstwustajer smě jeničke přidatne prašenje stajić. Nje-li móžno, hnydom wotmołwić, móže so próstwustajerjej zdžělić, zo so na přichodnym posedženju gmejnskeje rady wotmołwi abo wón dóstanje písomnu wotmołwu.
- (5) Prawo na informaciju a dohlad do podložkow je přez prawa třěćich wobmjezowane a njesmě so znjewužiwać naložować. Naležnosće, kotrež maja so tajne dźeržeć po § 53 wotst. 3 sada 3 SächsGemO njesmědža być wobstatk prawa na informaciju a dohlad do podložkow. Naprašowanja po wotst. 2 smědža so nimo toho wotpokazać, hdyž
 - a) njewotpowěduja postajenjam wotstawkow 2 do 4,
 - b) je so požadana informacija samsnemu abo druhemu próstwustajerjej w běhu poslednich šěsć měsacow hižo podała a so prawniske kaž tež wěcowne položenje w tym času změniło njeje,
 - c) sej wotmołwa pozdatnje z njesměrnje wjele dźěłom zwjazana.

§ 5 Wukonjenje mandata a winowatosć k mjelčenju

- (1) Gmejnsocy radźićeljo maja jim dowěrjene nadawki njesebičnje a zamołwiće spjelnić. Gmejnsocy radźićeljo maja wosebitu winowatosć k swěrje napřećo gmejnje. Gmejnsocy radźićeljo njesmědža prawa a zajimy druhich napřećo gmejnje wužadać, hdyž njejednaja jako zakonscy zastupjerjo.
- (2) Gmejnsocy radźićeljo su k mjelčenju wo wšitkich naležnosćach winowaci, kotrych zatajenje je zakonsce předpisane, wosebje prikazane abo po jich kajkosći trěbne. Woni njesmědža wědu wo tajnych naležnosćach njewoprawnjeni wužiwać. Tute winowatosće wobsteja tež po zakónčenju čestnohamtskeje dźěławosće dale. Zatajenje móže so jenož z přičin zjawneho derjeměća abo k škitej woprawnjenych zajimow jednotliwcow prikazać. Prikaz ma so zběhnyć, ručež njeje hižo woprawnjeny.
- (3) Gmejnsocy radźićeljo a wjesnjanosta su winowaci k mjelčenju wo wšitkich naležnosćach, kotrež su so w njezjawnych posedženjach wobjednawali, doniž gmejnska rada w přezjednosći z wjesnjanostu winowatosć k mjelčenju njezběhnje. To njeplaći za wobzamknjenja, kotrež su so po § 11 wotst. 3 wozjewili.

Třeći džěl
Jednačelstwo gmejnskeje rady

Prěni wotrězk

Přihot posedženjow gmejnskeje rady

§ 6 Zwolaŋje posedženja

- (1) Wjesnjanosta zwola gmejnsku radu pisomnje abo elektronisce z přiměnjenej dobu, poprawom cyłe sydny dnjow před posedženjom a zdžěli sčasom naležnosće kotrež maja so wobjednawać; k tomu maja so za wuradźowanje trěbne podložki přidać, hdyž tomu zjawne derjeměće abo woprawnjene zajimy jednotliwcow napřečo njesteja. Wobšěrne podložki móža so hižo do posedženja elektronisce sposrědkować, měli pak na posedženju w jednorej formje k dohladej pisomnje předležec. Gmejnska rada ma so zwolać, hdyž sej to položenje žada. Čłonojo gmejnskeje rady maja winowatosć, wjesnjanosće bjez komdženja změnu adresy za pisomne kaž tež elektroniske přeprošenje zdžělić.
- (2) Gmejnska rada ma so bjez komdženja zwolać, hdyž sej to pječina gmejnskich radžićelow z podačom naležnosće, kotraž ma so wobjednawać, žada. Wotstawk 2 sada 1 płaći wotpowědnje.
- (3) W jednotliwych padach móže so gmejnska rada bjez podaća časa, bjez formy a z podačom naležnosće, kotraž ma so wobjednać, zwolać.

§ 7 Nastajenje dnjoweho porjada

- (1) Wjesnjanosta nastaji dnjowy porjad w swójskej zamołwitosći.
- (2) Na próstwu znajmjeńša pječiny gmejnskich radžićelow abo jedneje frakcije ma so naležnosć k wobjednanju najpozdžišo na dnjowy porjad zapřichodneho posedženja gmejnskeje rady stajić, hdyž njeje so gmejnska rada ze samsnej naležnosću hižo w běhu minjenych šěsć měsacow zaběrała abo hdyž je so z wokomika wobjednanja naležnosće wěcne abo prawniske položenje bytostnje změniło. Naležnosće k wobjednanju maja być relewantne za gmejnsku radu.
- (3) Wjesnjanosta postaji rjad jednotliwych naležnosćow k wobjednanju a postaji wobkedźbujo zakonske předpisy, kotre naležnosće maja so w njezjawnym posedženju wuradźować.
- (4) Wjesnjanosta ma prawo hač k zahajenju posedženja naležnosće k wobjednanju wzač z dnjoweho porjada, hdyž so njejedna wo naležnosće po § 6 wotst. 3 a § 7 wotst. 2 a 3.
- (5) Wjesnjanosta móže dnjowy porjad bjez dodžerženja trěbneje doby přeprošenja rozšěrić, hdyž su wuměňjenja jednotliwego padu date.

§ 8 Wuradźowanske podložki

- (1) Podložki za wuradźowanje su za gmejnskich radžićelow postajene. Wona maja předstajić wěcowny a prawniski staw a měli wobsahować namjet wobzamknjenja.
- (2) Wuradźowanske podložki njesmědža so bjez přihłosowanja wjesnjanosty na třěcích dale dać.
- (3) Před a mjez posedženjemi gmejnskeje rady informuje so gmejnska rada wo wažnych komunalnych aktiwitach, prašenjach a poskitkach přez e-mejlku. To same płaći tež za předlohi na blido a přidatne podložki za wuradźowanja. § 8 (2) płaći wotpowědnje.

§ 9 Wozjewjenje po zwučenym wašnju

Čas, městnosć a dnjowy porjad zjawneho posedženja maja so wot wjesnjanosty sčasom, samo na sebi sydom cytych dnjow před dnjom posedženja, na zwučene wašnje wozjewić. To njeplaći za zwołanje gmejskeje rady w nuznych padach.

Druhi wotrězk

Přewjedjenje posedženjow gmejskeje rady

§ 10 Winowatosć, so wobdźělić

Gmejnscy radźićeljo su winowaci, so na posedženjach wobdźělić. W padže zadžěwanja z woprawdžitych abo prawnskich přičinow ma so to z podaćom přičiny bjez komdženja, najpozdžišo pak k zahajenju posedženja wjesnjanosće zdźělić. Winowatosć k zdźelenju wobsteji tež w tym padže, hdyž ma gmejnski radźićel posedženje dočasnje wopuścić.

§ 11 Zjawnosć posedženjow

- (1) Posedženja gmejskeje rady su zjawne, hdyž sej zjawne derjeměće abo woprawnjene zajimy jednotliwcow njezjawne posedženje žadaja. K zjawnym posedženjam gmejskeje rady ma kóždy přistup hdyž to rumnostne poměry dowola.
- (2) W běhu zjawneho posedženja su nahrawanja abo natočenja zwuka abo wobrazow, kotrež njesu za zhotowjenje protokola po § 40 SächsGemO trěbne, jenož z dočasnej písomnej dowolnosću wjesnjanosty dowolene. Dowolić nima so to wosebje potom, hdyž so wotběh porjadneho posedženja myli.
- (3) W njezjawnych posedženjach wobzamknjene naležnosće maja so w zjawnych posedženjach wozjewić, hdyž tomu zjawne derjeměće abo woprawnjene zajimy jednotliwcow napřećo njesteja.

§ 12 Předsydstwo gmejskeje rady

- (1) Předsydstwo gmejskeje rady ma wjesnjanosta. Wón zahaji posedženje a wjedže wuradźowanja gmejskeje rady. Wjesnjanosta móže wjedženje wuradźowanja na druhoho gmejskeho radźićela wotedać.
- (2) Při woprawdžitym abo prawnskim zadžěwanju wjesnjanosty přewozmje jeho zastupjer po § 54 wotst. 1 SächsGemO předsydstwo. Je postajeny zastupjer dočasne njeprítomny abo w padže zadžěwanja wjesnjanosty ma gmejnska rada bjez komdženja jednoho abo wjacorych zastupjerjow znowa abo za čas zadžěwanja přidatnje postajić. Hač k tutomu postajenju přewozmje najstarši, nic zadžěwany člon gmejskeje rady nadawki zastupowaceho wjesnjanosty.

§ 13 Wobzamknjenjakmanosć gmejskeje rady

- (1) Před zahajenjom dnjoweho porjada zwěsći wjesnjanosta porjadne zwołanje kaž tež wobzamknjenjakmanosć gmejskeje rady, skedźbni gmejnskich radźićelow na to, zo plaća misnjenja při zwołanju jako wurunane, hdyž so zmylki najpozdžišo při zahajenju dnjoweho porjada posedženja njeprizjewja a da to w protokolu zapisać.

- (2) Gmejska rada je wobzamknjenjakmana, hdyž je znajmjeńša połojca čłonow přitomna a woprawnjena hlasować. Při zajatosći wjac hač połojcy wšitkich čłonow je gmejska rada wobzamknjenjakmana, hdyž je znajmjeńša jedna štwórcina wšitkich čłonow přitomna a woprawnjena hlasować.
- (3) Njeje-li gmejska rada wobzamknjenjakmana, dyrbi so druhe posedženje wotměć, hdyž je gmejska rada wobzamknjenjakmana, hdyž su znajmjeńša tři čłonojo přitomni a woprawnjeni hlasować; při zwołanju druhého posedženja ma so na to skedźbnić. Druhé posedženje so njewotměje, hdyž su mjenje hač tři čłonojo woprawnjeni hlasować.
- (4) Nje-li gmejska rada tež w druhim posedženju po wotstawku 3 dla zajatosće čłonow wobzamknjenjakmana, rozsudži wjesnjanosta město rady po slyšenju nic zajatych gmejnskich radźičelow. Su tež wjesnjanosta a jeho zastupjer zajate, móže gmejska rada hlasakmaneho čłona za rozsud jako zastupjerja wjesnjanosty postajić. Njepostaji so žadyn hlasakmany čłon jako zastupjer wjesnjanosty, zakonči wjesnjanosta dypk dnjoweho porjada a informuje prawnisko dohladowanski zarjad.

§ 14 Zajatosć čłonow gmejskeje rady

- (1) Čłon gmejskeje rady, pola kotrehož wobsteji podhlad, zo je zajaty po § 20 wotst. 1 SächsGemO, ma to na spočatku wuradźowana k tutej naležnosći wjesnjanosće zdělić. Štóž je w zmysle § 20 SächsGemO zajaty, njesmě wuradźujo a tež nic wothłosujo na naležnosći sobu skutkować a dyrbi posedženje wopuścić. Jeli je posedženje zjawne, smě zajaty gmejnski radźičel jako hosć přitomny być.
- (2) Hač předleži přičiny za zajatosć we wosobje čłona gmejskeje rady, rozsudži w dwělomnym padže gmejska rada a to w njepřitomnosći potrjecheneho.

§ 15 Wobdźělenje na posedženjach gmejskeje rady

- (1) Gmejska rada móže wěcywustojnych wobydlerjow a fachowcow jako poradźowarjow w jednotliwych naležnosćach zapřijeć. Na wobzamknjenjach tutych naležnosćow njesmědža so přeprošeni wobdźělić.
- (2) Při přihotach wažnych rozsudow móže gmejska rada potrjechenym wosobam a skupinam wosobow skladnosć dać, swoje stejišćo přednjesć, hdyž njeje slyšenje hižo zakonsce předpisane. Na wuradźowanju a wobzamknjenju njesmědža so prošení wobdźělić.
- (3) Gmejska rada móže na zjawnych posedženjach wobydlerjam a jim po § 10 wotst. 3 SächsGemO runostajenym wosobam kaž tež zastupjerjam wobydlerskich iniciatiwow možnosć dać, prašenja k naležnosćam gmejny stajeć abo pokiwy a nastorki zapodać (wobydlerska hodźina). K prašenjam zabjerje wjesnjanosta abo społnomócnjeny stejišćo. Hdyž njeje hnydomne wotmołwjenje móžne, tak móže so naprašowacemu písomna wotmołwa poskićić. Přizjewja so wjacori z prašenjemi runočasnje, postaji wjesnjanosta slěd prašenjow. Kóždy z prašenjom smě jenož jedne přidatne prašenje stajić. Wuradźowanje so njewotměje.
- (4) Wjesnjanosta móže přednošowanje w posedženjach gmejskeje rady přistajenemu gmejny přepodać; na próstwu gmejskeje rady dyrbi wón tajkeho k wěcownym informacijam zapřijeć.

§ 16 Změna a rozšěrjenje dnjoweho porjada

- (1) Gmejska rada móže po zahajenju dnjoweho porjada wobzamknýć,
 - a) změnu slěda naležnosćow, kotrež maja so wuradźować,

- b) naležnosće, kotrež maja so wuradźować pak dźělić pak mjez sobu zwjazać,
 - c) naležnosć, kotraž bě za zjawny dźěl posedženja předwidžana do njezjawneho dźěla přepołožiť, hdyž sej to zjawne derjeměće abo woprawnjene zajimy jednotliwcow w zmysle § 37 wotst. 1 SächsGemO žada,
 - d) naležnosć, kotraž je za njezjawny dźěl posedženja předwidžana do zjawneho dźěla přepołožiť, hdyž žane přičiny zjawneho derjeměća abo woprawnjene zajimy jednotliwcow w zmysle § 37 wotst.1 SächsGemO njepředleža.
- (2) Wo próstwach z rjadow gmejskeje rady, naležnosć, kotraž je za zjawny abo njezjawny dźěl posedženja předwidžany wuradźuje a rozsudži so w njezjawnym posedženju. Wobzamkne-li gmejska rada, naležnosć w zjawnym posedženju wobjednać, tak ma wjesnjanosta tutu na dnjowy porjad přichodneho posedženja gmejskeje rady stajić.
- (3) Dnjowy porjad w zjawnym posedženju móže so wot wjesnjanosty rozšěrić, hdyž jedna so wo naležnosće, kotrež su po § 36 wotst. 3 sada 6 SächsGemO nuzne a wšitcy čłonojo gmejskeje rady přitomni su. Njejsu-li wšitcy gmejnsky radźićeljo přitomni, maja so njepřitomni radźićeljo nje formalnje a z podaćom naležnosće tak přeprošyć, zo móža přeprošenju sčasom sčehować. Rozšěrjenje dnjoweho porjad ma so w protokolu dokumentować.
- (4) Rozšěrjenje dnjoweho porjada njezjawneho posedženja přez wjesnjanostu je dowolene, hdyž tomu wšitcy radźićeljo přitohuja.

§ 17 Porjad rěčenja

- (1) Wjesnjanosta narěči kóždy dypk dnjoweho porjada po předwidžanym abo wobzamknjenym porjedže z mjenowanjom naležnosće kotraž ma so wuradźować a přepoda naležnosć k wuradźowanju. Wuradźuje so k jednej naležnosći, kotraž je so na próstwu znajmjeńša jedneje pjećiny gmejnskich radźićelow abo jedneje frakcije na dnjowy porjad stajiła, ma so spočatnje próstwestajerjej dać skladnosć, próstwu wopodstatnić. Hewak jima so, hdyž je rozprawa předwidžana, referent słowa.
- (2) Štóz chce so słowa jimać, ma so z pozběhnjenom ruki přizjewić. Přizjewja so wjacori čłonojo gmejskeje rady runočasnje, tak postaji wjesnjanosta rjad rěčenja. Wobdźělnik wuradźowanje smě so hakle potom słowa jimać, hdyž jemu to wjesnjanosta dowoli.
- (3) Zwonka rjadu smě so słowa jimać, štóz chce próstwu k jednanskemu porjadej stajić.
- (4) Wjesnjanosta móže so po kóždym rěčniku słowa jimać; wón smě runje tak přednošowacemu, zapřijatym wěcywustojnym wobydlerjam, přistajenym gmejny abo wěcywustojnym słowo přepodać abo jich namołwić, stejišćo zabrać.
- (5) Čas rěčenja je samo na sebi maksimalnje pjeć mjeńšinow. Čas móže so na wobzamknjenje gmejskeje rady podlěšić abo skrótsić. Čłon gmejskeje rady smě maksimalnje dwójce k samsnej naležnosći rěčeć; próstwy k jednanskemu porjadej su při tym wuwzate.

§ 18 Próstwy k jednanskemu porjadej

- (1) Próstwy k jednanskemu porjadej smědža so kóždočasnje wot kóždeho čłona gmejskeje rady zapodać. K tomu slušeja slědowace próstwy:
 - a) zakónčenje wuradźowanja,
 - b) zakónčenje lisćiny rěčnikow,
 - c) přepodaće na wuběrk abo na wjesnjanostu,
 - d) přestorčenje,
 - e) přetorhnjenje abo skónčenje posedženja,

- f) wuzamknjenje abo wozrodženej zjawnosće,
 - g) wothłosowanje po mjenje abo tajnje,
 - h) přechod na dnjowy porjad.
- (2) Próstwje k jednanskemu porjadej přetorhnu wěcne wuradźowanje. Nimo próstwustajerja a wjesnjanosty dóstanje jedyn řečnik frakcije a žanej frakciji njepřisłušacy radźićeljo składnosć, so wuprajić k próstwje k jednanskemu porjadej.
- (3) Wo próstwach k jednanskemu porjadej ma gmejnska rada wosebje, dočasne rozsudzić. Staja-li so runočasnje wjacore próstwje k jednanskemu porjadej, tak ma so wo najdale sahacej próstwje jako přenje wothłosować. W dwělomnych padach postaji wjesnjanosta porjad wothłosowanja.
- (4) Próstwa k zakončenju wuradźowanja abo na skónčenje lisćiny řečnikow smě so hakle potom zapodać, hdyž je kóždy frakcija a žanej frakciji njepřisłušacy gmejnsky radźićeljo składnosć měli, so jónu słowa jimać. Přiwza-li so próstwa wo skónčenje lisćiny řečnikow, smědža jenož hišće či gmejnsky radźićeljo k wěcy řečeć, kotřiž su za čas stajenja próstwje na lisćinje stali.

§ 19 Wěcowne próstwje

- (1) Kóždy člon gmejnskeje rady ma prawo, ke kóždej naležnosći kotraž ma so wuradźować, stajić próstwu, zo by so docpěło rozrisanje w tej naležnosći (wěcowna próstwa). Próstwje maja so do zakončenja wuradźowanja wo tutej naležnosći stajić a maja měć namjet, wo kotrymž hodži so wothłosować. To plaći tež za přidatne próstwje abo próstwje k rozšěrjenju. § 19 wotst. 3 sada 2 a 3 plaća wotpowědnje.
- (2) Próstwje kotrež zamóženje, staw dołha abo hospodarski plan gmejny njemało wobwliwuja (finančne próstwje), wosebje změny wudawkow a dochodow abo změnu wupłaćenjow a zapłaćenjow w hospodarskim planje zawinuja, dyrba być po zakonskich postajenjach zwjazane z namjetom jich móžneho kryća.

§ 20 Wobzamknjenja

- (1) Gmejnska rada wobzamkne z wothłosowanjom a wólbami. Wjesnjanosta je woprawnjeny hłosować, jeli SächsGemO ničó druhe njepostaji.
- (2) Wjesnjanosta ma so před kóždym wobzamknjenjom wuradźowaneje naležnosće wo tym přeswědčić, hač je gmejnska rada wobzamknjenjakmana.

§ 21 Wothłosowanja

- (1) Gmejnska rada wothłosuje samo na sebi zjawnje. Wothłosuje so z pozběhnjenjom ruki, jeli gmejnska rada w jednotliwym padze něšto druhe njewobzamkne.
- (2) Z wažnych přičin móže gmejnska rada tajne wothłosowanje wobzamknýć. Tajne wothłosowanje wotměje so z wotedaćom hłosowanskich lisćikow.
- (3) Gmejnska rada ma po mjenje wothłosować, hdyž pjećina člonow gmejnskeje rady za to próstwu staji. Při wothłosowanju po mjenje ma so wothłosowanje kóždeho jednotliwego člona gmejnskeje rady w protokolu dokumentować. Staji-li so za samsnu naležnosć próstwa wo wothłosowanje po mjenje kaž tež tajne wothłosowanje, ma so próstwje wo tajne wothłosowanje přizwolić.
- (4) Wobzamknjenja tworja so z wjetšinu hłosow. Při runosći hłosow je próstwa wotpokazana. So hłosa wzdaće so při zwěšćenju wjetšiny hłosow njewobkedźbuje.
- (5) Wuslědk wothłosowanja wozjewi wjesnjanosta a to so do protokola zapisa.

- (6) Wo wěcach jednoreje hódnoty a mało woznama móže gmejnska rada pisomnje abo elektronisce rozsudzić. Z tym zwisowaca próstwa je přiwzata, hdyž žadyn člon gmejnskeje rady njezapřećiwi.

§ 22 Wólby

- (1) Wólby wotměja so tajnje z hlasowanskimi lisćikami; móže so zjawnje wolić, hdyž tomu žadyn člon njezapřećiwi. Woleny je, štož je wjetšinu hlasow přitomnych hlasowanja kmanych dóstať. Njedocpěje so při wólbach tajka wjetšina, wotměja so mjez kandidatomaj z najwjac hlasami rozsudne wólby, při kotrychž jednora wjetšina wotdatych hlasow rozsudzi. Při runosći hlasow rozsudzi los. Jeli je jenož jedyn kandidat k wólbam, wotměje so w padže sady 3 druhi wólbny přeběh, při kotrymž jednora wjetšina wotdatych hlasow dosaha.
- (2) Hlasowanske lisćiki ma wjesnjanosta měć přihotowane. Kóždy kandidat so na hlasowanski lisćik z mjenom napisa a dóstanje wotmjezowany wotrězk samsneje wulkosće na lisćiku. Hlasowanski lisćik ma tajki być, zo njeje po woznamjenjenju a sfałdowanju wothlasowanje spóznać. Wotměja-li so wjacore wólby w samsnym posedženju gmejnskeje rady, maja so hlasowanske lisćiki po barbje widžomnje rozeznawać.
- (3) Hlasowanske lisćiki maja so wot hlasowanja kmanych člonow gmejnskeje rady njedwěłomnje woznamjenić. Njewupjelnjene hlasowanske lisćiki liča so jako hlasy wzdaće. Hlasowanske lisćiki, na kotrychž je "haj" abo "ně" napisane, su njeplaćiwe, chiba zo ma so jenož jedna wosoba wolić.
- (4) Wjesnjanosta zwěsći z pomocu wosoby, kotruž gmejnska rada postaji abo přistajeneho gmejny wuslědk wólbow a wozjewi to gmejnskej radže.
- (5) Ma so losować tak ma gmejnska rada k tomu jednoho člona postajić. Wjesnjanosta abo w jeho nadawku jedyn přistajeny gmejny zhotowi w njepřimnosći za losowanje postajeneho člona gmejnskeje rady losy. Wotběh losowanja ma so w protokolu dokumentować.

§ 23 Porjadniska móc a domowe prawo wjesnjanosty

- (1) Wjesnjanosta wukonja porjadnisku móc a ma domowe prawo. Jeho porjadniskej mocy a domowemu prawu posteja wšitke wosoby, kotrež za čas posedženja gmejnskeje rady we wuradźowanskej rumnosći přebywaja. Štóž so jako připosłuchar njeporjadnje zadžerži abo na hinaše wašnje česć zhromadźizny zrani, móže so přez wjesnjanostu k porjadej napominać a z rumnosće wupokazać, hdyž so porjad na hinaše wašnje zaručić njehodži.
- (2) Nastanje za čas posedženja gmejnskeje rady mjez připosłucharjemi njeměr, tak móže wjesnjanosta po spočatnym napominanju za připosłucharjow předwidžane městna wuradźowanskej rumnosće dać rumować, hdyž so mylaty njeměr na druge wašnje wotstronić njehodži.

§ 24 Napominanje k porjadej a sćazanje słowa

- (1) Řěčnikow, kotřiž so wot temy wotsala, móže wjesnjanosta k wěcy řečeć napominać.

- (2) Rěčnicy, kotřiž so bjez toho, zo bu jim słowo přepodate, słowa jimaja abo předpisany resp. wot gmejskeje rady wobzamknjeny čas rěčenja najebać wotpowědneho napominanja překroča, móže wjesnjanosta k porjadej napomínać.
- (3) Je-li rěčnik hižo dwójce napominanje, wěcy rěčeć (wotst.1) abo napominanje k porjadej (wotst. 2) dóstał, tak móže jemu wjesnjanosta słowo sćazać, hdyž rěčnik přičinu k dalšej porjadnej naprawje skići. Rěčnikej, kotremuž bu słowow sćazane, njesmě so w samsnym posedženju k wotpowědnej naležnosći znowa słowo přepodać.

§ 25 Wuzamknjenje z posedženja, sćazanje zarunanja za posedženje

- (1) Při hrubych přerědženjach přećiwo porjadej móže so člon gmejskeje rady wot wjesnjanosty z wuradźowanskeje rumnosće wupokazać. Z wuzamknjenjom z posedženja zhubi wón tež prawo na zarunanje za tute posedženje.
- (2) Při wospjetnych přerědženjach po wotstawku 1 móže gmejska rada člona za wjacore, znajmjeńša pak za tři posedženja wuzamknýć.
- (3) Wotstawkaj 1 a 2 plaćitaj wotpowědnje za druhe wosoby, kotřež so po § 16 na posedženjach gmejskeje rady wobdžěla.

TŘEĆI WOTŘEŽK

Protokol wo posedženjach gmejskeje rady, informacije za zjawnosć

§ 26 Protokol wo posedženjach gmejskeje rady

- (1) Wo bytostnym wobsahu wuradźowanjow gmejskeje rady ma so zhotowić protokol. Wón ma wopřijeć wosebje:
 - a) mjeno předsydy,
 - b) ličbu přitomnych a mjena njepřitomnych z podaćom přičiny njepřitomnosće
 - c) naležnosće wuradźowanja,
 - d) próstwy k wěcy a k jednanskemu porjadej,
 - e) wuslědky wothłosowanja a wólbow a
 - f) postownje wobzamknjenja gmejskeje rady.
- (2) Protokol ma wobsahować zjednorjene zasopodaće wotběha wuradźowanjow. Předsyda a kóždy člon gmejskeje rady móža žadać. Zo jich wuprajenja abo wothłosowanje so do protokola zapisa.
- (3) Protokol wjedže pisar, kotrehož wjesnjanosta postaji. Wjesnjanosta móže přistajeneho gmejny abo člona gmejskeje rady za to postajić.
- (4) Protokol ma so wot předsydy, dweju gmejskeju radźićelow, kotraž staj so na posedženju wobdžěliť a wot pisarja podpisać. Gmejskeju radźićelow postaji gmejska rada. Hdyž njeje jedyn z podpisarjow z jednotliwymi dypkami protokol přezjedny abo njemóža so podpisarjo wo wobsahu protokola dojednać, móža so wo wotpowědnych znapřećiwjenjach přispomnje přidać.
- (5) Protokol ma so w běhu jednoho měsaca, samo na sebi najpozdžišo k přichodnemu posedženju gmejskeje rady tutaj wozjewić. Wo znapřećiwjenjach přećiwo protokolej rozsudźi gmejska rada.
- (6) Dohlad do protokola wo zjawnych posedženjach je wobydlerjam gmejny dowoleny. Kopije protokolow njezjawnych posedženjow nimaja so ani člonam gmejskeje rady ani dalším wosobam dać.

§ 27 Informowanie zjawności

- (1) Wo bytostnych wobsahach wobzamknjenjow zjawnych posedženjow gmejnskeje rady ma so zjawnosť na přiměrene wašnje informować. Wozjewjenje je naležnosť wjesnjanosty, kotryž tež wo tym rozsudži, na kotre wašnje so zjawnosť informuje.
- (2) Informacije po wotst. 1 plaća tež za wobzamknjenja gmejnskeje rady na njezjawnych posedženjach, hdyž su so tute w zjawnych posedženjach wozjewili.

ŠTWÓRTY DŽEL

Kónčne postajenja, nabyće plaćiwosće

§ 28 Kónčne postajenja

Kóždemu čłonej gmejnskeje rady ma so jedyn eksemplar tutoho jednanskeho porjada přepodać. Jeli so jednanski porjad w běhu wólbneje peridy změni, tak ma so tež změnjena warianta přepodać.

§ 29 Nabyće plaćiwosće

Tutón jednanski porjad nabudže z dnjom wobzamknjenja přez gmejnsku radu plaćiwosć. Runočasnje zhubi dotalny jednanski porjad z dnja 17.12.2010 a přenja změna tutoho z dnja 16.12.2011 swoju plaćiwosć.

Worklecy, dnja 15.08.2024

Clemens Poldrack / wjesnjanosta